

মসজিদের পাশে কোন নাস্তিকের কবর হতে পারে না : পীর সাহেব চরমোনাই

মাগুরা জেলা সংবাদদাতা : ইসলামী শাসনতন্ত্র আন্দোলনের আমীর মাওলানা সৈয়দ মোঃ ফজলুল করীম পীর সাহেব চরমোনাই বলেছেন, মসজিদের পাশে কোন নাস্তিকের কবর হতে পারে না। যেকোন মূল্যে তৌহিদী জনতা এ ধরনের উদ্যোগ প্রতিহত করতে প্রস্তুত। স্বঘোষিত নাস্তিক হুমায়ুন আজাদের জানাযায় কোন মুসলমানের অংশগ্রহণ করা যাবে না।

কাদিয়ানীদের অমুসলিম ঘোষণা, অনৈসলামিক কার্যকলাপ বন্ধ, আইন-শৃঙ্খলার চরম অবনতি ও দ্রব্যমূল্যের উর্ধ্বগতি রোধ ও ইসলামী শাসনতন্ত্র প্রতিষ্ঠার দাবীতে ইসলামী শাসনতন্ত্র আন্দোলন মাগুরা জেলা শাখার উদ্যোগে গতকাল (মঙ্গলবার) স্থানীয় আদর্শ কলেজ মাঠে অনুষ্ঠিত বিশাল জনসভায় প্রধান অতিথির বক্তৃতায় তিনি এ কথা বলেন।

পীর সাহেব চরমোনাই আরো বলেন, দেশের মৌলিক সমস্যা সম্ভ্রাস ও দুর্নীতির বিরুদ্ধে জাতীয় ঐক্য গড়ে তুলতে হবে। কেন্দ্রীয় সাংগঠনিক সম্পাদক অধ্যাপক বেলায়েত হোসেন বলেন, দেশের স্থায়ী শান্তি মানবতার সার্বিক মুক্তির জন্য ইসলামী শাসনতন্ত্রের বিকল্প নেই। তিনি জামায়াতে ইসলামীকে ইসলামী দল নয় বলে উল্লেখ করে বলেন, আমেরিকা দ্বারা পরিচালিত কোন দল ইসলামী দল হতে পারে না। এ ছাড়া অন্যান্যের মধ্যে বক্তব্য রাখেন বীর মুক্তিযোদ্ধা মেহের উদ্দিন।